

鮑明遠集全

柳田文庫
文庫11
D 117



宋

文庫 11
D 117

鮑明遠集序

鮑照字明遠本上黨人家世貧賤少

有文思宋臨川王愛其才以為國侍

郎王薨始興王濬又引為侍郎孝武

初除海虞令遷太學博士兼中書舍

人一本云時主多忌以文自高照侍

左右深達夙昔作此賦述不復盡其才出為秣陵令又轉永嘉令火明

鮑明遠集序

010190552735

魚印通集
五年除前軍行參軍侍臨海王鎮荆
州掌知內命尋遷前軍刑獄參軍事
宋明帝初江外拒命及義嘉敗荆土
震擾江陵人宋景因亂掠城為景所
殺時年五十餘身既遇難篇章無遺
流遷人間者往往見在儲皇博採羣
言遊好文藝片辭隻韻罔不收集照
所賦述雖乏精典而有超塵爰命陪
趨備加研訪年代稍遠零落者多今
所存者儻能半焉

散騎侍郎虞炎奉敕撰

卷一
燕城賦
芙蓉賦
游思賦
飛蛾賦
尺蠖賦

鮑明遠集目錄

卷一

舞鶴賦

燕城賦

芙蓉賦

游思賦

飛蛾賦

卷二

尺蠖賦

觀漏賦

野鵝賦

傷逝賦

園葵賦

卷三

代東武吟

一本已下並無代字

代出自薊北門行

代結客少年場行

代東門行

代苦熱行

代白頭吟

代蒿里行

代放歌行

代昇天行

代別鶴操

代雉朝飛

代淮南王二首

代空城雀

代鳴鴈行

代夜坐吟

代北風涼行

代春日行

代少壯時至衰老行

代陽春登荆山行荆一作京

代朗月行

代堂上歌

代貧賤愁苦行

代邊居行

代門有車馬客行

代悲哉行

代擢歌行

代邽街行

一本作去邪行

代陳思王白馬篇

代陳思王京洛篇

代陸平原君子有所思行

代白紵曲二首

代白紵舞歌詞四首 春始興王神作并啓

卷四

擬古八首

擬青青陵上栢

學劉公幹體五首

擬阮公夜中不能寐

學陶彭澤體

紹古辭七首

幽蘭五首

學古 一作北風雪

卷五

潯陽還都道中

還都道中三首

還都口號

還都至三山望石頭城

過銅山握黃精

日落望江贈荀丞

行樂至城東橋

荅客

白雲

和王丞

秋夜二首

觀圃人藝植

詠採桑

詠雙鷺二首

發後渚

數詩

建除

從過舊宮

從拜陵登京峴

臨川王服竟置田里

卷六

行京口至竹里

登翻車峴

冬日

詠史

從庾中郎游園山石室

自礪山東望震澤

登雲陽九里埭

與伍侍郎別

吳興黃浦亭庾中郎別

送別王宣城

送從弟道秀別

贈傅都曹別

和太傅農與僚故別

送盛侍郎餞候亭

與荀中書別

喜雨

奉勅作

詠蕭史

贈故人馬子喬六首

採菱歌七首

山行見孤桐

卷七

見賣玉罷者

從登香爐峰

夢歸鄉

從臨江王上荆初發新渚

望孤石

登黃鶴磯

岐陽守風

在江陵嘆年傷老

玩月城西門解中

代挽歌

夜聽妓

梅花落

古辭

可愛

夜聽聲

酒後

講易

王昭君

中興歌曲十首

吳歌二首

與謝尚書莊三連句

在荊州與史君李居士連句

月下登樓連句

字謎三首

卷八

擬行路難十八首

松柏篇 并序

侍宴覆舟山二首 勅為柳元景作

發廬山二首

發長松遇雪

蒜山被始興王命作

冬至

蜀四賢詩

秋日示休上人

和王義興七夕

贈鮑侍郎 釋惠休

荅休上人

和王護軍秋夕

懷遠人

春羈

三日

苦雨

三日游南苑

歲暮悲

園中秋散

一作園中載散

詠秋

秋夕

望水

詠白雪

卷九

為柳令謝驃騎表

解褐謝侍郎表

謝稜陵令表

時為中書舍人

謝賜藥啓

謝永安令解禁止啓

論國制啓

謝上除啓

通世子自解

重與世子啓

謝假啓二首

侍郎上疏

謝解禁止

侍郎滿辭閣

轉常侍上疏

証北世子誕育上疏

謝隨恩被原表

皇孫誕育上疏

登大雷岸與妹書

卷十

河清頌 并序

佛影頌

凌烟樓銘 并序

藥奩銘

飛白書勢銘

瓜步山楬文

石帆銘

鮑明遠集卷第一

宋 上黨鮑照著

明 新安程榮校

舞鶴賦

散幽經以驗物偉胎化之仙禽鍾浮曠之藻質抱清
迥之明心指蓬壺而翻翰望崑閬而揚音匝日域以
迴鶩窮天步而高尋踐神區其既遠積靈祀而方多
精含丹而星耀頂凝紫而煙華引圓吭之纖婉頓修
趾之洪媵疊霜毛而弄影振玉羽而臨霞朝戲於芝



田夕飲乎瑤池厭江海而游澤掩雲羅而見羈去帝
鄉之岑寂歸人寰之喧卑歲崢嶸而催暮心惘惘而
哀離於是窮陰殺節急景凋年涼沙振野箕風動天
巖巖苦霧皎皎悲泉冰塞長河雪滿群山旣而零昏
夜歇景物澄廓星翻漢回曉月將落感寒雞之早晨
憐霜鴈之違漠臨驚風之蕭條對流光之昭灼喚清
響於丹墀舞飛容於金閣始連軒以鳳踏終宛轉而
龍躍躑躅徘徊迅騰摧驚身蓬集矯翅雪飛離網
別赴合緒相依將興中止若往而歸颺沓矜顧遷延

遲暮逸翮後塵翺翥先路指會規翔臨岐矩步態有

遺妍貌無停趣奔機遁節角眇分形長揚一作揚翹緩鷺

並翼連聲輕迹凌亂浮影交橫衆變繁姿參差洊密

煙交霧凝若無毛質風去雨還不可談悉旣散魂而

盪目迷不知其所之忽星離而雲罷整神容而自持

仰天居之崇絕更惆悵以驚思當是時也燕姬色沮

巴童心耻巾拂兩停丸劒雙止雖邯鄲其敢倫豈陽

阿之能擬入衛國而乘軒出吳都而傾市守馴養於

千齡結長悲於萬里

蕪城賦 登廣陵城作

灞也平原南馳蒼梧漲海北走紫塞鴈門施以漕渠
 輔以崑崗重江複關之奧四會五達之莊當昔全盛
 之時車拄轉人駕肩屢開撲地歌吹沸天孽貨鹽田
 鏹利銅山才力雄富士馬精妍故能侈秦法佚周令
 劃崇墉剗濬洫圖修世以休命是以板築雉堞之殷
 井幹烽櫓之勤格高五嶽袤廣三墳崒若斷岸轟似
 長雲製磁石以禦衝糊植壤以飛文觀基扃之固護
 將萬祀而一君出入三代五百餘載竟瓜剖而豆分

澤葵依井荒葛冒途壇羅虺蜮階鬪麇鼯木魅山鬼
 野鼠城狐風嗥雨嘯昏見晨趨饑鷹厲吻寒鴟嚇雛
 伏暴藏虎乳血餐膚笏榛塞路崢嶸古堦白楊早落
 塞草前衰稜稜霜氣軟軟風威孤蓬自振驚沙坐飛
 灌莽杳而無際叢薄紛其相依通池既已夷峻隅又
 已頽直視千里外唯見起黃埃凝思寂聽心傷已摧
 若夫藻扃黼帳歌堂舞閣之基璇淵碧樹弋林釣渚
 之館吳蔡齊秦之聲魚龍爵馬之玩皆薰歇燼滅光
 沈響絕東都妙姬南國麗人蕙心紈質玉貌絳唇莫

不埋魂幽石委骨窮塵豈憶同輦之愉樂離宮之苦
辛哉天道如何吞恨者多抽琴命操爲蕪城之歌歌
日邊風起兮城上寒井徑滅兮丘隴殘千齡兮萬代
共盡兮何言

芙蓉賦

感衣裳於楚賦詠憂思於陳詩訪群英之艷絕標高
名於澤芝會春陂乎夕張褰芙蓉而水嬉抽我衿之
桂蘭點子吻之瑜辭選群芳之微號抱茲性之清芬
稟若華之驚絕單蓋陽之妙手測澆池之光潔爍彤

輝之明媚粲雕霞之繁悅顧椒丘而非偶豈園桃而
能埒彪炳以蒨藻翠景而紅波青房兮規接紫的兮
圓羅樹妖遙之弱幹散苗蓓之輕荷上星光而倒景
下龍鱗而隱波戲錦鱗而夕映耀繡羽以晨過結游
童之湘吹起榜妾之江歌備日月之溫麗非盛明而
謂何若乃當融風之暄盪承暑雨之平渥被瑤塘之
周流繞金渠之屈曲排積霧而揚芬鏡洞泉而含綠
葉折水以爲珠條集露而成玉潤蓬山之瓊膏輝沓
河之銀燭冠五華於仙草超四照於靈木雜衆姿於

鮑明遠集卷一
四
開卷閱群貌於昏明無長袖之容止信不笑之空城
森紫葉以上擢紛湘蘂而不傾根雖割而瑄徹柯既
解而絲縈感盛衰之可懷質始終而常清故其爲芳
也綢繆其爲媚也奔發對粧則色姝比蘭則香越泛
明綵於宵波飛澄華於曉月陋荆姬之朱顏笑夏女
之光髮恨狎世而貽賤徒愛存而賞沒雖凌群以擅
奇終從歲而零歇

遊思賦

雲徑兮海衝上潮兮送風秋水兮駕浦涼煙兮冒江

暮氣起兮遠岸黑陽精滅兮天際紅波沄沄兮無底
山森森兮萬重平隰兮亘岍通川兮瀉壑仰盡兮天
經俯窮兮地絡望波際兮曇曇眺雲間兮灼灼乃江
南之斷山信海上之飛鶴指煙霞而問鄉窺林嶼而
訪泊撫身事而識苦念親愛而知樂苦與樂其何言
悼人生之長役捨堂宇之密親坐江潭而爲客對蕪
葭之遂黃視零露之方白鴻晨驚以響湍泉夜下而
鳴石結中洲之雲蘿託綿思於遙夕瞻荆吳之遠山
望邯鄲之長陌塞風馳兮邊草飛胡沙起兮鴈揚翮

雖燕越之異心在禽鳥而同戚悵收情而杖淚遣繁
悲而自抑此日中其幾時彼月滿而將蝕生無患於
不老奚引憂以自逼物因節以卷舒道與運而升息
賤賣卜以當壚隱我耕而子織誠愛秦王之奇男不
願絕筋而稱力已矣哉使豫草生而可知夫何異乎
叢棘

飛蛾賦

仙鼠同闇飛蛾候明均靈舛化詭欲齊生觀齊生而
欲詭各會住以憑方凌焦煙之浮景赴熙燄之明光

拔身幽草下畢命在此堂本輕死以邀得雖糜爛其
何傷豈學山南之文豹避雲霧而巖藏

鮑明遠集卷第二

宋 上黨鮑照著

明 新安程榮校

尺蠖賦

智哉尺蠖觀機而作申非向厚屈非向薄當靜泉亭
 遇躁風驚起軒軀以曠跨伏累氣而併形冰炭弗觸
 鋒亦歷迂逢嶮蹙躋踏值夷舒步忌好退之見猜哀必
 進而為靈每驥首以瞰途常佇景而翻露故身不豫
 託地無前期動靜必觀於物消息各隨乎時從方而

應何慮何思是以軍筭慕其權國容擬其亦高賢圖
之以隱淪智士以之而藏見笑靈蛇之久蟄羞龍德
之方戰理害道而爲尤事傷生而感賤苟見義而守
勇豈專取於弦箭

觀漏賦 升丙

客有觀於漏者退而歎曰夫及遠者箭也而定遠非
箭之功爲生者我也而制生非我之情故自箭而爲
心不可憑者絃因生以觀我不可恃者年憑其不可
恃故以悲哉况乎沉華密遠輕波潛耗而感神嬰慮

者又自外而傷壽以是思生生亦勤矣乃爲賦云
佩流歎於馳年纓華思於奔月結蘭若以望楚弄參
差以歌越撫凝肌於遷滯鑑雕容於髮髯景有墜而
易昏憂無方而難歇歷玫瑰階而升輿訪金壺之盈闕
觀騰波之吞寫視驚箭之登沒箭旣沒而復登波長
瀉而弗歸注沉冗而海漏射懸塗而電飛墮戶牖而
知天掩雲霧而測暉創百齡於織隱積千里於空微
彼崢嶸而行溢此冉冉而逾衰撫寸心而未改指分
光而未違昔傷矢之奔禽聞虛弦之顛什徒嬰丹而

知懼豈潛機之能覺惟生經之霍靡亦悲長而懼促
恒證古而秉心抱空意其如玉波沉沉而東注日滔
滔而西屬落繁馨於織草殞豐華於喬木對異離而
後歌據窮蹊而方哭雖接薪之更傳寧絕明之還續
貫古今而并念信寡易而多難時不留乎激矢生乃
急於走丸既河源之莫壅又吹波而助瀾神怵迫而
多慮心輾轉而眇歡望天涯而佇念擢雄劍而長歎
嗟生民之永迷躬與後而皆恤死零落而無二生差
池之非一理幽分於化前筭冥定於天秩與艾骨而

招病猶剗腸而興疾情殊用而俱盡事離方而同失
聊弭志以高歌順煙雨而沉逸於是隨秋鴻而汎渚
逐春鷺而登梁進賦詩而展念退陳酒以排傷物不
可以兩大得無得而雙昌薰晚華而後落槿早秀而
前亡姑屏憂以愉思樂茲情於寸光從江河之紆直
委天地之回方漏盈兮漏虛長無絕兮芬芳

野鵝賦 并序

有獻野鵝於臨川王世子愍其樊繫命爲之賦其辭

曰

集陳之隼以自遠而稱神栖漢之雀乃出幽而見珍
此瓊禽其何取亦廁景而承仁捨水澤之驩逸對鍾
鼓之悲辛豈徇利而輕命將感愛而投身入長羅之
逼脅悵高繳之樊紫邈辭朋而別偶超煙鶩而風行
跨日月以遙逝忽瞻國而望城踐非迹於瑤塗昇弱
羽於丹庭瞰東西之繡戶眺左右之金局貌纖殺而
含一作恚悴心翻越而慙驚若墜而墮谷况不知其所
寧惟君囿之珍麗實妙物之所殷翔海澤之輕鷗巢
天宿之鳴鶉鷓程材於臬猛翬薦體之雕文既敷容

以照景亦避翮而排雲雖居物以成偶終在我以非
群望征雲而延悼顧委翼而自傷無青雀之銜命乏
赤鴈之嘉祥空穢君之園池徒慙君之稻梁願引身
而剪迹抱末志而幽藏於是流歲遂遠慘節方崇雲
纏海岱風拂嶠潼飛雲一作霧馳霰飄沙舞蓬視清池
之初涸望綠林之始空立菰蒲之寒渚託隻影而爲
雙宛拔啄而掩背悲結悵而滿胃處朝晝而雖念假
外見而遷排涉修夜之長寂信專思而知哀風稍稍
而過樹月蒼蒼而照臺冰依岬而早結霜託草而先

摧斂雙翮於水裔翹孤趾於林隈情無方而雨集事
有限而星垂在俄頃而猶悼矧窮生之所懷聞宿世
之高賢澤無微而不均育草木而明義愛禽鳥而昭
仁全殞卵而來鳳放乳麋而感麟雖陋生於萬物若
沙漠之一塵苟全軀而畢命庶魂報以自申

傷逝賦

晨登南山望美中阿露團秋槿風卷寒蘿悽愴傷心
悲如之何盡若窮煙離若剪絃如影滅地猶星殞天
棄華宇於明世閉金扃於下泉永山河以自畢眇千

敢飛毒涇尚多死渡瀘寧具腓生軀蹈死地昌志登
禍機戈船榮旣薄伏波賞亦微爵輕君尚惜士重安
可希

代白頭吟

直如朱絲繩清如玉壺冰何慙宿昔意猜恨坐相仍
人情賤恩舊世議逐衰興毫髮一爲瑕丘山不可勝
食苗實碩鼠點一作玷白信蒼蠅鳧鵠遠成美薪芻前
見陵申黜褒女進斑去趙姬昇周王日淪惑漢帝益
嗟稱心賞猶難恃貌恭豈易憑古來共如此非君獨

鮑明遠集卷三
撫膺

代蒿里行

同盡無貴賤殊願有窮申馳波催永夜零露逼短肆
結我幽山駕去此滿堂親虛容遺劔佩實貌戢衣中
斗酒安可酌尺書誰復陳年代稍推遠懷抱日幽淪
人生良自劇大道與何人齋我長恨意歸爲狐兔塵

代放歌行

藜蟲避葵董習苦不言非小人自齷齪安知曠士懷
鷄鳴洛城裏禁門平旦開冠蓋縱橫至車騎四方來

齒而弗旋思一言於向時邈衆代於古年逝稍遠而
變體浸幽明而改時覽篇迹之如且婉遺意而在茲
忽若謂其不然自惆悵而驚疑循堂廡而下降歷幃
戶而升基服委襟而褫帶器蒙管而韜絲志存業而
遺績身先物而長辭豈重歡而可覲追前感之無期
寒往暑來而不窮哀極樂反而有終燧已遷而禮革
月既逾而慶通心微微而就遠跡離離而絕容白日
藹而回陰閨館寂而深重冀憑靈於前物佇美目乎
房櫳徒望思於永久邈歸來其何從結單心於暮條

掩行淚於晨風念沉悼而誰劇獨嬰哀於逝躬草忌
霜而逼秋人惡老而逼衰誠衰耄之可忌或甘願而
志違彼一息之短景乃累恨之長暉尋平生之好醜
成黃塵之是非將滅耶而尚在何有去而無歸惟桃
李之零落生有促而非天觀龜鶴之于祀年能富而
情少反靈質於二塗亂感悅於雙抱日月飄而不留
命倏忽而誰保譬明隙之在梁如風露之停草髮迎
憂而送華貌先悴而收藻共甘苦其幾人曾無得而
借老拂琴而抽思啓陳書而遐討自古來而有之

夫何怨乎天道

園葵賦

風煖凌開土冒泉動游塵曝日鳴雉依隴主人拂黃
冠挾藜杖布蔬種平圻壤通畔修直膏畝夷敞白莖
紫蒂豚耳鴨掌溝東陌西行三畦兩既區既鉏乃露
乃映勾萌欲伸藜牙將散爾乃晨露夕陰霏雲四委
沉雷遠震飛雨輕灑徐未及晞疾而不靡柔葶爰秀
剛甲以解稚葉萍布弱陰競抽萋萋翼翼沃沃油油
下歲蕤而被逕上參差而覆疇承朝陽之麗景得傾

歸明遠集卷之二
六
柯之所投仕非魯相有不拔之利賓非二仲無逸馬
之憂顧董茶而莫偶豈蘋藻之薦羞若乃鄰老談稼
女媪歸桑拂此葦席炊彼稌梁甃壺援醢曲瓢卷漿
乃羹乃滷堆鼎盈筐甘旨舊脆柔滑芬芳消淋逐水
潤胃調腸於是既飫徹盤投筋回小人之腹爲君子
之慮近觀物運遠訪師聖聲數後彰律理前定烏非
黔黑鶴豈浴淨彼圓行而方止固得之於天性伊冬
蓬而夏裘無雙功而並盛盪然任心樂道安命春風
夕來秋日一作秋月晨映獨酌南軒擁琴孤聽篇章間作

以歌以詠魚深沉而鳥高飛孰知美色之爲正

鮑明遠集卷第三

宋 上黨鮑照著

明 新安程榮校

代東武吟

主人且勿誼賤子歌一言僕本寒鄉士出身蒙漢恩
 始隨張校尉召募到河源後逐李輕車追虜出塞垣
 密塗亘萬里寧歲猶七奔肌力盡鞍甲心思歷涼溫
 將軍既下世部曲亦罕存時事一朝異孤績績一作憤誰
 復論少壯辭家去窮老還入門腰鎌刈葵藿倚杖牧

鷄豚昔如鞬上鷹今似檻中猿徒結千載恨空負百年怨棄席思君幄疲馬戀君軒願垂晉王惠不媿田子魂

代出自薊北門行

羽檄起邊亭烽火入咸陽徵師屯廣武分兵救朔方
嚴秋筋竿勁虜陣精且疆天子按劍怒使者遙相望
鴈行綠石徑魚貫渡飛梁簫鼓流漢思旌甲被胡霜
疾風衝寒起沙礫自飄揚馬毛縮如蝟角弓不可張
時危見臣節世亂識忠良投軀報明主身死爲國殤

代結客少年揚行

駉馬金絡頭錦帶佩吳鉤失意杯酒間白刃起相讎
追兵一旦至負劍遠行遊去鄉三十載復得還舊丘
昇高臨四關表裏望皇州九塗平若水雙闕似雲浮
扶宮羅將相夾道列王侯日中市朝滿車馬若川流
擊鐘陳鼎食方駕自相求今我獨何爲埒壤懷百憂

代東門行

傷禽惡弦驚一作驚弦倦客惡離聲離聲斷客情賓御昔
涕零涕零心斷絕將去復還訣一息不相知何況異

鄉別遙遙征駕遠杳杳白日晚居人掩閨臥行子夜
中飯野風吹秋木行子心腸斷食梅常苦酸衣葛常
苦寒絲竹徒滿坐憂人不解顏長歌欲自慰彌起長
恨端

代苦熱行

赤坂橫西阻火山赫南威身熱頭且痛鳥墜魂來歸
湯泉發雲潭焦煙起石圻一作磯日月有恒昏雨露未
嘗晞丹蛇踰百尺玄蜂盈十圍含沙射流影吹蠱病
行暉瘴氣晝薰體茵露夜霑衣饑餒莫下食晨禽不

妻一作曳長飊華纓結遠埃日中安能止鍾鳴猶未歸
夷世不可逢賢君信愛才明慮自天斷不受外嫌猜
一言分珪爵片善辭草萊豈伊白璧賜將起黃金臺
今君有何疾臨路獨遲迴

代昇天行

家世宅關輔勝帶宦王城備聞十帝事委曲兩都情
倦見物興衰驟觀俗屯平翩翩若回掌恍惚似朝榮
窮途悔短計晚志重長生從師入遠嶽結友事仙靈
五圖發金記九籥隱丹經風餐委松宿雲臥恣天行

冠霞登綵閣解玉飲椒庭暫遊越萬里少別數千齡
鳳臺無還駕簫管有遺聲何時與汝曹啄腐共吞腥

代別鶴操

雙鶴俱起時徘徊蒼海間長弄若天漢輕軀似雲懸
幽客時結侶提攜遊三山青繳凌瑤臺丹羅籠紫煙
海上悲風急三山多雲霧散亂一相失驚孤不得住
緬然日月馳遠矣絕音儀有願而不遂無怨以生離
鹿鳴隱深草蟬鳴隱高枝心自有所存旁人那得知

代雉朝飛

雉朝飛振羽翼專場挾兩一本下有雌字恃彊力媒已驚翳
又逼蒿間潛穀盧矢直列繡頸碎錦臆絕命君前無
怨色握君手執杯酒意氣相何死何有

代淮南王二首

淮南王好長生服食練氣讀仙經琉璃作椀牙作盤
金鼎玉七合神丹 合神丹戲紫房紫房綵女弄明
璫鸞歌鳳舞斷君腸朱城九門門九閨願逐明月入
君懷入君懷結君佩怨君恨君恃君愛築城思堅劔
思利同盛同衰莫相棄

代空城雀

雀乳四穀空城之阿朝食野粟夕飲冰河高飛畏鴟
鳶下飛畏網羅辛傷伊何言怵迫良已多誠不及青
鳥遠食玉山禾猶勝吳宮鷲無罪得焚窠賦命有厚
薄長歎欲如何

代鳴鴈行

邕邕鳴鴈鳴始且齊行命侶入雲漢中夜相失群離
亂留連徘徊不忍散憔悴容儀君不知辛苦風霜亦
何爲

代夜坐吟

冬夜沉沉夜坐吟含聲未發已知心霜入幕風度林
朱燈滅朱顏尋體君歌逐君音不貴聲貴意深

代北風涼行

北風涼雨雪零京洛女兒多妍粧遙豔帷中自悲傷
沉吟不語若有忘問君得行何當歸若使妾坐自傷
悲慮年至慮顏衰情易遠恨難追

代春日行

獻歲發吾將行春山茂春日明園中鳥多嘉聲梅始

魚日送集 卷三
發桃始青汎舟艫齊擢驚奏採菱歌鹿鳴風微起波
微生弦亦發酒亦傾八蓮池折桂枝芳神動芬葉披
兩相思兩不知

代少年時至衰老行

憶昔少年時馳逐好名晨結友多貴門出入富兒隣
綺羅艷華風車馬自揚塵歌唱青琴女彈箏燕趙人
好酒多芳氣餽味厭時新今日每相念此事邈無因
寄語後生子作樂當及春

代陽春登荆山行

荆一作京

且登荆山頭崎嶇道難游早行犯霜露苔滑不可留
極眺八雲表窮目盡帝州方都列萬室層城帶高樓
奕奕朱軒馳紛紛縞衣流日氛映山浦暄霧逐風收
花木亂平原桑柘盈一作平疇攀條弄紫莖藉露折
芳柔遇物雖成趣念者不解憂且共傾春酒長歌登
山丘

代朗月行

朗月出東山照我綺窓前窓中多佳人被服妖且妍
靚粧坐帳裏當戶弄清弦鬢奪衛女迅體絕飛燕先

爲君歌一曲當作朗月篇酒至顏自解聲和心亦宣
千金何足重所存意氣間

代堂上歌行

四坐且莫諠聽我堂上歌昔仕京洛時高門臨長河
出入重宮裏結友曹與何車馬相馳逐賓朋好容華
陽春孟春月朝光散流霞輕步逐芳風言笑弄丹葩
暉暉朱顏酡紛紛織女梭滿堂皆美人目成對湘娥
雖謝侍君閑明粧帶綺羅箏笛更彈吹高唱好相和
萬曲不開心一曲動情多欲知情厚薄更聽此聲過

代貧賤愁苦行

湮沒雖死悲貧苦卽生劇長歎至天曉愁苦窮日夕
盛顏當少歇鬢髮先老白親友四面絕朋知斷三益
空庭慙樹萱藥餌媿過客貧年忘日時黯顏就人惜
俄頃不相酬慙恹面已赤或以一金恨便成百年隙
心爲千條計事未見一獲運圯津塗塞遂轉死溝洫
以此窮百年不知還窳窳

代邊居行

少年遠京一作荆陽遙遙萬里方陋巷絕人徑茅屋摧

山崗不覩車馬迹但見麋鹿場長松何落落丘隴無
復行邊地無高木蕭蕭多白楊盛年日月盡一去萬
恨長悠悠世中人爭此錐刀忙不憶貧賤時富貴輒
相忘紛紛徒滿目何關慨予傷不如一畝中高會挹
清漿遇樂便作樂莫使候朝光

代門有車馬客行

門有車馬客問客何鄉士捷步往相訊果得舊鄰里
悽悽聲中情慊慊增下理一作悽語昔有故悲論今無
新喜清晨相訪慰日暮不能已歡戚競尋緒談調何

終止辭端竟未究忽唱分途始前悲尚未弭後感方

復起嘶聲盈我口談言在君耳手迹可傳心願爾駕

一作篤行李

代悲哉行

羈人感淑節緣感欲回轍我行詎幾時華實驟舒結
觀實情有悲瞻華意無悅覽物懷同志如何復乖別
翩翩翔禽羅關關鳴鳥列翔鳴尚疇偶所歎獨乖絕

代權歌行

羈客離嬰時飄颻無定所昔秋寓江介茲春客河滸

往戢干役身願言未懷楚泠泠儵躩潭邕邕鴈循渚
颺矣長風振搖曳高帆舉驚波無留連舟人不躊躇

代邽街行

一本作去邪行

竚立出門衢遙望轉蓬飛蓬去舊根在連翩逝不歸
念我捨鄉俗親好义乖違慷慨懷長想惆悵戀音微
人生隨時變遷化焉可祈百年難必果千慮易盈虧

代陳思王白馬篇

白馬駢角弓鳴鞭乘北風要途問邊急雜虜入雲中
閉壁自往夏清野徑還冬僑裝多闕絕旅服少裁縫

埋身守漢節沉命對胡封薄暮塞雲起飛沙披遠
含悲望兩都楚歌登四墉丈夫設計誤懷恨逐邊戎
罷別中國愛邀冀胡馬功去來今何道卑賤生所鍾
但令塞上見知我獨爲雄

代陳思王京洛篇

鳳樓十二重四戶八綺窓繡楠金蓮花桂柱玉盤龍
珠簾無隔露羅幌不勝風寶帳三千所爲爾一朝容
揚芬紫煙上垂綵綠雲中春吹日白日霜歌落塞鴻
但懼秋塵起盛愛逐衰蓬坐視十苔滿卧對錦筵空

琴瑟縱橫散舞衣不復縫古來共歎薄君意豈獨濃
唯見雙黃鵠千里一相從

代陸平原君子有所思行

西上登雀臺東下望雲闕層閣蕭天居馳道直如髮
繡囊結飛霞璇題納行月築山擬蓬壺穿池類溟渤
選色遍齊岱徵聲匝邛越陳鍾陪夕讌笙歌待明發
年貌不可還身意會盈歎蟻壤漏山阿絲淚毀金骨
罷惡含滿歎物忘厚生沒智哉衆多士服理辨昭昧

代白紵曲二首

朱唇動素袖舉洛陽少童

一作年

邯鄲女古稱綠水今

白紵催絃急管爲君舞窮秋九月荷葉黃北風驅鴈
天雨霜夜長酒多樂未央

春風澹蕩俠思多天色淨淥氣妍和含桃紅萼蘭紫
芽朝日灼爍發園華卷幌結帷羅玉筵齊謳秦吹盧
女絃千金顧笑買芳年

代白紵舞歌詞四首

奉始興王
神作并啓

侍郎臣鮑照啓被教作白紵舞歌詞謹竭庸陋裁爲
四曲附啓上呈識方洪悴思塗猥局言旣無雅聲未

能文不足以宣贊聖旨抽拔妙實謹遣簡餘慙隨悚
盈謹啓

詞

吳刀楚製爲佩褱織羅霧縠垂羽衣含商咀徵歌露
晞珠履颯沓統袖飛淒風夏起素雲回車忘馬煩客
忘歸蘭膏明燭承夜暉

桂宮栢寢擬天居朱爵文窓鞞碧疏象牀瑤席鎮犀

渠雕屏合匝組帷一作張舒秦箏趙瑟挾笙竽垂璫散

佩盈玉除停鰲不御欲誰須

三星參差露霑濕絃悲管清月將入寒光蕭條候蟲
急荆王流歎楚妃泣紅顏難長時易戢凝華結綵文
延立非君之故豈安集

池中赤鯉庖所捐琴高乘去飛上天命逢福世丁溢
恩簪金藉綺昇曲筵恩厚德深委如山潔誠洗志期
暮年烏白馬角寧足言

鮑明遠集卷第四

鮑明遠集卷第四

宋 上黨鮑昭著

明 新安程榮校

擬古八首

魯客事楚王懷金襲丹素既荷主人恩又蒙令尹顧
日宴罷朝歸輿馬塞衢路宗黨生光輝賓僕遠傾慕
富貴人所欲道得亦何懼南國有儒生迷方獨淪誤
伐木清江湄設罝守兔兔

十五諷詩書篇翰靡不通弱冠參多士飛步游秦宮

鮑明遠集卷第四

鮑明遠集卷四
一作紫宮側觀君子論預見古人風兩說窮舌端五車推
筆鋒羞當白壁貶耻受聊城功晚節從世務乘障遠
和戎解佩襲犀渠卷麥奉盧弓始願力不及安知今
所終

幽并重騎射少年好馳逐
羶帶佩雙鞬象弧插彫服
獸肥春草短飛鞚越平陸
朝遊鴈門上暮還樓煩宿
石梁有餘勁驚雀無全目
漢虜方未和邊城屢翻覆
留我一白羽將以分符竹

鑿井北陵隈百丈不及泉
生事本瀾漫何用獨精堅

幼壯重寸陰衰暮及經年
放鷹息朝歌提爵止中山

日夕登城隅周迴視洛川
街衢積凍草城郭宿寒煙

繁華悉何在宮闕久崩填
空謗齊景非徒稱夷叔賢

伊昔不治業倦遊觀五都
海岱饒壯士蒙泗多宿儒

結髮起躍馬垂白對講書
呼我升上席陳解發瓢壺

管仲死已久墓在西北隅
後面崔嵬者桓公舊塚廬

君來誠既晚不覩崇明初
玉琬徒見傳交友義躡

東嶽幽篁叢刈黍寒澗陰
朔風傷我肌號鳥驚思心

歲暮并賦訖程課相追尋
田租送函谷獸藁輸上林

魚... 卷四
河渭冰未開關隴雪正深
咎擊官有罰呵辱吏見侵
不謂乘軒意杖屨還至今

河畔草未黃胡鴈已矯翼
秋蛩扶戶吟寒婦成夜織
去歲征人還流傳舊相識
聞君上隴時東望久歎息
宿昔改衣帶朝旦異容色
念此憂如何夜長愁更多
明鏡塵匣中寶琴生網羅

蜀漢多奇山仰望與雲平
陰崖積夏雪陽谷散秋螢
朝朝見雲歸夜夜聞猿鳴
憂人本自悲孤客易傷情
臨堂設樽酒留酌思平生
石以堅為性君勿慙一作輕

素誠

擬青青陵上栢

涓涓亂江泉綿綿橫海煙
浮生旅昭世空事歎華年
書翰幸閑暇我酌子縈絃
飛鏹出荆路鶩服指秦川
渭濱富皇居鱗館匝河山
輿童唱秉椒權女歌采蓮
孛愉鸞閣上窈窕鳳楹前
娛生信非謬安用求多賢

學劉公幹體五首

欲宦乏王事結主遠恩私
為身不為名散書徒滿帷
連冰上冬月披雪拾園葵
聖靈燭區外小臣良見遺

晴晴寒野霧蒼蒼陰山栢樹迥霧縈集山寒野風急
歲物盡淪傷孤貞爲誰立賴樹自能貞不計迹幽澁
胡風吹朔雪千里渡龍山集君瑤臺上飛舞兩楹前
茲晨自爲美當避艷陽天艷陽桃李節皎潔不成妍
荷生淥泉中碧葉齊如規迴風蕩流霧珠水逐條垂
彪炳此金塘藻耀君王池不愁世賞絕但畏盛明移
白日正中時天下共明光北園有細草當晝正含霜
乖榮頓如此何用獨芬芳抽琴爲爾歌絃斷不成章
擬阮公夜中不能寐

漏分不能臥酌酒亂繁憂
意氣憑夜清素景綠隳流
鳴鶴時一聞千里絕無俛
佇立爲誰久寂寞空自愁

學陶彭澤體奉和王義典

長憂非生意短願不須多
但使尊酒滿朋舊數相過
秋風七八月清露潤綺羅
提琴當戶坐歎息望天河
保此無傾動寧復滯風波

紹古辭七首

橘主湘水側非陋人莫傳
逢君金華宴得在玉几前
三川窮名利京洛富妖妍
恩榮難久恃隆寵易衰偏

觀席妾悽愴覩翰君泣然徒抱忠孝志猶爲葑菲
昔與君別時蠶妾初獻絲何言年月駛寒衣已擣治
絛繡多廢亂篇帛久塵緇離心壯爲劇飛念如懸旗
石席我不爽德音君勿欺

瑟瑟涼海風竦竦寒山木紛紛羈思盈慊慊夜茲促
訪言山海路千里歌別鶴絃絕空谷嗟形音誰賞錄
辛苦異人狀美貌改如玉徒育巧言鳥不解心款
孤鴻散江嶼連翩遶渚飛含嘶銜桂浦馳顧河朔畿
攢攢勁秋木昭昭泮冬暉窓前滌歡爵帳裏縫舞衣

芳歲猶曷可日夜望君歸

憑楹翫夜月迥眺出谷雲還山路已遠往海不及群
徘徊清淮汭顧慕廣江濱物情乖喜歇守操古難聞
三越豐少姿容態傾動君

開黛觀容一作朝顏臨鏡訪遙塗君子事河源彌祀闕

還書春風掃地起飛塵生綺疏文桂爲誰設羅帳空
卷舒不怨身孤寂但念星隱隅

暖歲節物早萬萌迎春達春風夜嫵娟春霧朝晻霏
軟蘭葉可采柔柔條易捋怨咽對風景悶督守閨闈

魚明遠集卷四
五
天賦愁民命令生但契闊憂來無行伍歷亂如覃葛

幽蘭五首

傾輝引暮色孤景留恩顏梅歇春欲罷期渡往不還
簾委蘭蕙露帳含桃李風攬帶昔何道坐令芳節終
結佩徒分明抱梁輒乖忤華落知不終空愁坐相誤
眇眇跖掛網漠漠蚕弄絲空慙不自信怯與君畫期
陳國鄭東門古今共所知長袖暫徘徊駟馬停路岐

學古

一作比
風雪

北風十二月雪下如亂巾實是愁苦節惆悵憶一作別

情親會得兩少妾同是洛陽人
娥絲好眉目閑麗美
腰身凝膚皎若雪明淨色如神
驕愛生盼矚聲媚起
朱唇衿服雜緹績首飾亂瓊珍
調絃俱起舞爲我唱
梁塵人生貴得意懷願待君申
幸值嚴冬暮幽夜方
未晨齊衾久兩設角枕已雙陳
願君早休息留歌待
三春

鮑明遠集卷第五

宋 上黨鮑照著

明 新安程榮校

潯陽還都道中

昨夜宿南陵今日入蘆洲客行情日月崩波不可留
侵星赴早路畢景逐前儔鱗鱗夕雲起獵獵晚風遒
騰沙鬱黃霧翻浪揚白鷗登臚眺淮甸掩泣望荆流
絕目蓋平原時見遠煙浮倏忽坐還合俄思甚兼秋
未嘗違戶庭安能千里遊誰令乏古節貽此越鄉憂

還都道中三首

悅懌遂還心踊躍貪至勤鳴鷄戒征路暮息落日分
急流騰飛沫回風起江濱孤獸啼夜侶離鴻噪霜群
物衰心交橫聲切思紛紜歎慨訢同旅美人無聞
風急訊灣浦裝高偃檣舳夕聽江上波遠極千里目
寒律驚窮蹊爽氣起喬木隱隱日沒岫瑟瑟風發谷
鳥還暮林誼潮上冰結泱夜分霜下淒悲端出遙陸
愁來攢人懷羈心苦獨宿
久宦迷遠川川廣每多懼薄止亭關歷險程路

靈霽真隅岫濛昧江上霧時涼籟爭吹流洄浪奔趣

一作

惻焉增愁起搔首東南顧茫然荒野中舉目皆

凜素回風揚江泌寒棲動樹太息終晨漏企我歸
颯遇

還都口號

分壤蕃帝華列正藹皇宮禮讌及年暇朝奏因歲通
維舟歇金景結棹俟昌風鉦歌首寒物歸吹踐開冬
陰沉煙塞合蕭瑟涼海空馳霜急歸節幽雲慘天容
旌鼓貫玄塗羽鷁被長江君王遲京國遊子思鄉邦

恩世共渝洽身願兩板逢勉哉河濟客勤爾尺波功

還都至三山望石頭城

泉源安首流川未澄遠波晨光被水族曉氣歇林阿
兩江皎平迥三山鬱駢羅南帆望越嶠北榜指齊河
關扃繞天邑襟帶抱尊華長城非壑嶮峻咀似荆芽
攢樓貫白日摘堞隱丹霞征夫喜觀國遊子遲見家
流連入京引躑躅望鄉歌彌前歎景促逾近勸路多
偕萃猶如茲弘易將謂何

遇銅山掘黃精

土肪閔中經水芝韜內策寶餌緩童年命藥駐衰屨
矧蓄終古情重拾煙霧迹羊角棲斷雲榼口流隘石
銅溪晝森沉乳竇夜洎滴既類風門磴復象天井壁
蹠蹠寒葉離濃叢秋水積松色隨野深月露依草白
空守江海思豈愧梁鄭客得仁古無怨順道今何惜

日落望江贈荀丞

旅人之愉樂薄暮增思深日落嶺雲歸延頸望江陰
亂流瀟大壑長霧匝高林林際無窮極雲邊不可尋
惟見獨飛鳥千里一揚音推其感物情則知遊子心

君居帝京內高會日揮金豈念慕群客咨嗟戀景沉
行樂至城東橋

鷄鳴關吏起伐鼓早通晨嚴車臨迥陌延瞰歷城闈
蔓草緣高隅修楊夾廣津迅風首且發平路塞飛塵
擾擾遊宦子營營市井人懷金近從利撫劍遠辭親
爭先萬里塗各事百年身開芳及稚節含綵吝驚春
尊賢未照灼孤賤長隱淪容華坐銷歇端為誰苦辛

荅客

幽居屬有念含意未連詞會客從外來問若何所思

澄神自惆悵嘿慮久迴疑謂賓少安席方為子陳之
我以華門士負學謝前基愛賞好偏越放縱少矜持
專求遂性樂不計緝名期歡至獨斟酒憂來輒賦詩
聲交一作交反稍希歇此意更堅滋浮生急馳靈物道險
絃絲深憂寡情謬進伏兩睽時願賜卜身要得免後
賢咄

白雲

探靈喜解骨測化善騰天情高不戀俗狀世樂尋仙
鍊金宿明館屑玉止瑤淵鳳歌出林闕龍駕戾蓬山

凌崖采三露攀鴻戲五煙昭昭景臨霞湯湯風媚泉
命娥雙月際婁媛兩星間飛虹眺卷河汎霧弄輕絃
笛聲謝廣賓神道不復傳一逐白雲去千齡猶未旋

和王丞

限生歸有窮長意一作憶無已年秋心日迫絕春思坐
連綿銜協曠古願斟酌高代賢遜迹俱浮海採藥共
還山夜聽橫石波朝望宿巖煙明澗子沁越飛蘿子
縈牽性好必齊遂迹幽非妄傳滅志身世表藏名琴
酒間

秋夜二首

夜久膏既竭啓明日未央環情倦始復空閨起晨裝
幸承天光轉曲影入幽堂徘徊集通隙宛轉燭迴梁
帷風自卷舒簾露視成行歲役急窮晏生慮備温涼
絲紈夙染濯綿綿夜裁張冬雪旦夕至公子乏衣裳
華心愛零落非直惜容光願君翦衆念且共覆前觴

又

遁跡避紛喧貨農棲寂寞荒徑馳野鼠空庭聚山雀
既遠人世歡還賴泉卉樂折柳樊場圃負綆汲潭壑

魚目見雲峰風夜聞海鶴江介早寒來白露先秋落
麻龍方結葉瓜田已掃籜傾暉忽西下迴景思華幕
攀蘿席中軒臨觴不能酌終古自多恨幽悲共淪鑠
善曾笑蠶漁巧宦賤農牧遠養遍關市深利窮海陸
乘軺實金羈當壚信珠服居無逸身伎安得坐梁肉
徒承屬生幸政緩吏平陸春畦及耘藝秋場早芟築
澤閱既繁高山營又登熟抱鍾壠上食結茅野中宿
空織已尚淳寧知俗翻覆

觀圃人藝植

詠採桑

季春梅始落工女事蠶作

本下有明鏡淨桂
尤顏畢芳口甚等二句採桑

淇洧間還戲上官閣早蒲時結陰晚篁初解籜藹藹
霧灑閨融融景盈慕乳鷺逐草蟲巢蜂拾花萼是節
最暄妍佳服又新爍綿歎對迴塗揚歌弄場藿抽琴
試抒思薦珮果成託承君郢中美服義久心諾衛風
古愉艷鄭俗舊浮薄靈願悲渡湘宓賦笑灑洛盛明
難重來淵意為誰涸君其且調絃桂酒妾行酌

詠雙鸞二首

雙燕戲雲崖羽翰始差池出入南閨裏經過北堂隍
意欲巢君幕層楹不可窺沉吟芳歲晚徘徊韶景移
悲歌辭舊愛銜淚覓新知

可憐雲中燕且去暮來歸自知羽翅弱不與鵲爭飛
寄聲謝飛鵠往事于毛衣瑣心誠貧薄叵吝節榮衰
陰山饒苦霧危節多勁威豈但避霜雪當一作傲野
人機

發後渚

江上氣早寒仲秋始霜雪從軍乏衣糧方冬與家別

蕭條背鄉心悽愴清涕日發涼埃晦平臬飛潮隱修樾
孤光獨徘徊空煙視日天滅塗隨前峰遠意逐後雲結
華志公馳年韶顏慘故馬節推琴三起歎聲為君斷絕

數詩

一身仕關西家族滿出東二年從車駕齊祭甘泉宮
三朝國慶畢休沐還舊邦四牡輝長路輕蓋若飛鴻
五侯相餞送高會集新豐六樂陳廣坐祖帳揚春風
七盤起長袖庭下列歌鐘八珍盈雕俎綺肴紛錯重
九族共瞻遲賓友仰徽容十載學無就善宦一朝通

建除

建旗出燉煌西討屬國羗除去徒與騎戰車羅萬箱
 湫山又填谷投鞍合營墻平原直千里旗鼓轉相望
 定舍後未休候騎勅前裝執戟無暫頓彎弧不解張
 破滅西零國生虜郵支王危亂悉平蕩萬里置關梁
 成軍入玉門士女獻壺漿收功在一時歷世荷餘光
 開壤襲朱紱左右佩金章閉帷草太玄茲事殆愚狂

從過舊宮

蕭裝屬雲旅奉勅承末塗嚴恭履桑梓加敬覽粉榆
 靈命蘊川瀆帝寶伏篇圖虎變由石紐龍翔自鼎湖
 功冠生民始道妙神器初宮陛留前一作制歌思溢
 今衢餘祥見雲物遺像存陶漁泉流信清泌原野實
 甘荼豈伊愛鄂鄙天險兼上腴東秦邦北門非親誰
 克居仁聲日月懋惠澤雲雨敷盧令美何歇唐風久
 不渝微臣逢世慶征賦備人徒空費行葦德採東謝
 生芻

從拜陵登京峴

孟冬十月交殺盛陰欲終風烈無勁草寒甚有凋松

軍井冰晝結士馬羶夜重晨登峴山首霜雪凝未通
息鞍循隴上支劔望雲峰表裏觀地嶮升降究天容
東嶽覆如礪瀛海安足窮傷哉良永矣馳光不再中
衰賤謝遠願疲老還舊邦深德竟何報徒令田陌空

臨川王服竟還田里

送舊禮有終事居慙懦薄稅駕罷朝衣歸志願巢壑
尋思邈無報退命愧天爵捨耨將十齡還得守場藿
道經盈竹筥農書滿塵閣愴愴秋風生戚戚寒緯作
豐霧粲草華高月麗雲嶸屏跡勤躬稼衰疾倚菜藥

顧此謝人群豈直止商洛

鮑明遠集卷第六



鮑明遠集卷第六

宋 上黨鮑照著

新安程榮校

行京口至竹里

高柯危且竦，鋒石橫復仄。複澗隱松聲，重崖伏雲色。
水閉寒方壯，風動鳥傾翼。斯志逢凋嚴，孤遊值曠逼。
兼塗無憇鞍，半菽不遑食。君子樹令名，細人効命力。
不見長河水，清濁俱不息。

登翻車峴

鮑明遠集卷第六

高山絕雲霓深谷斷無光晝夜淪霧雨冬夏結寒霜
淖坂既馬嶺積路又羊腸畏塗疑旅人忌轍覆行箱
昇岑望原陸四眺極川梁遊子思故居離客遲新鄉
新知有客慰追故遊子傷

冬日

嚴風亂山起白日欲還次曛霧蔽窮天夕陰晦寒地
煙霾有氤氳清光無明異風急野田空饑禽稍相棄
含生共通閉懷賢敦為利天規苟平圓寧得已偏媚
瀉海有歸潮衰容不還稚君今且安歌無念老方至

詠史

五都矜財雄三川養聲利百金不市死明經有高位
京城十二衢飛甍各鱗次仕子彰華纓游客竦輕轡
明星晨未晞軒蓋已雲至賓御紛颯沓鞍馬光照地
寒暑在一時繁華及春媚君平獨寂寞身世兩相棄

從庾中郎遊園山石室

荒塗趣山楹雲崖隱靈一作虛室岡澗紛縈抱林障沓
重密昏昏磴路深活活梁水疾幽隅秉晝燭地牖窺
朝日怪石似龍章瑕璧麗錦質洞庭安可窮漏井終

魚明遠集 卷六
不溢沉空絕景聲
崩危坐驚慄神化
豈有方妙象竟
無迹至哉鍊玉人
處此長自畢

自礪山東望震澤

瀾漫潭洞波合沓
嶸嶂雲漲島遠不
測崗澗近難分
幽篁愁暮見思鳥
傷夕聞以此藉沉
痾棲迹別人群
結言非盡書有念
豈敷文

登雲陽九里埭

一作塚

宿心不復歸流年
抱衰疾旣成雲兩
人悲緒終不一
徒憶江南聲空錄
齊后瑟方絕繁絃
思豈見繞梁日

與伍侍郎別

民生如野鹿知愛
不知命飲齧具攢
聚翹陸歛駭馬迸
傷我慕類心感爾
食苹性漫漫鄔郢
塗渺渺淮海逕
子無金石質吾有
犬馬病憂樂安可
言離會孰能定
欽哉慎所宜砥德
乃爲盛貧游不可
忘久交念敦敬

吳興黃浦亭庾中郎別

風起洲渚寒雲上
日無輝連山眇烟
霧長波迴難依
旅鴈方南過浮客
未西歸已經江海
別復與親眷違
奔景易有窮離袖
安可揮懽觴爲悲
酌歌服成泣衣

温念終不渝藻志遠存追役人多牽滯顧路慙奮飛
昧心附遠翰烟言藏佩章

送別王宣城

發郢流楚思涉淇興衛情既逢青春獻復值白蘋生
廣望周千里江郊藹微明舉爵自惆悵歌管為誰清
頽陰騰前藻淮陽流昔聲樹道暮高華屬路佇深馨

送從弟道秀別

參差生密念躑躅行思疑疑疑一作悲思戀光景密念盈
彌一作歲時歲時多阻折光景乏安怡以此苦風情日

夜驚懸旗登山臨朝日揚袂別所思浸淫旦潮廣瀾
漫宿雲滋天陰懼先發路遠常早辭篇詩後相憶杯
酒今無持游子苦行役冀會非遠期

贈傅都曹別

輕鴻戲江潭孤鴈集洲沚邂逅兩相親緣念共無已
風雨好東西一隔頓萬里追憶栖宿時聲容滿心耳
落日川渚寒愁雲繞天起短翮不能翔徘徊烟霧裏
和傅大農與僚故別

絕節無緩響傷鴈有哀音非同年歲意誰共別離心

魚目遠集 卷六
伊昔謬通塗冠履預人林浮江望南嶽登潮窺海陰
孰謂游居淺慕美久相深萋萋春草秀嚶嚶喜候禽
辰物盡明茂尊盛獨幽沉之子安所適我方栖舊岑
墜歡豈更接明愛邈難尋

送盛侍郎餞候亭

霜霜襲冠帶驅駕越城闌北臨出塞道南望入鄉津
高墉宿寒霧平野起秋塵君爲坐堂子我乃負羈人
欣悲豈等志甘苦誠異身結睇園中草憔悴悲此春

與荀中書別

勞舟厭長浪疲旆倦行風連翩感孤志契闊傷賤躬
親交篤離愛眷戀置酒終敷文勉征念發藻慰愁容
思君吟涉洧撫已謠渡江慙無黃鶴翅安得久相從
願遂宿知意不使舊山空

喜雨

奉勅作

營社達群陰屯雲揜積陽河井起龍蒸日魄斂遊光
族雲飛泉室震風沉羽鄉升霧浹地維傾潤瀉天潢
平灑周海嶽曲潦溢川莊驚雷鳴桂渚迴洧流玉堂
珍木抽翠條炎卉擢朱芳關市欣九賦京廩開萬箱

無謝堯爲君何用知栢篁

詠蕭史

蕭史愛少年羸女羞童顏
火粒願排棄霞霧好登攀
龍飛送天路鳳起出秦關
身去長不返簫聲時往還

贈故人馬子喬六首

躑躅城上羊攀隅食玄草俱共日月輝
昏明獨何早夕風飄野籜飛塵被長道
親愛難重見懷憂坐空老

其二

寒灰滅更燃夕華晨更鮮
春冰雖暫解冬水復還堅

佳人捨我去賞愛長絕緣
歡至不留日感物輒傷年

其三

松生隴坂上百尺下無枝
東南望河尾西北隱崑崖
野風振山籟朋鳥夜驚離
悲涼貫年節恣翠恒若斯
安得草木心不怨寒暑移

其四

種橘南池上種杏北池中
池北旣少露池南又多風
早寒逼晚歲衰恨滿秋容
湘濱有靈鳥其字曰鳴鴻
一搥繒繳痛長別遠無雙

鮑明遠集 卷六
其五
皎如川上鵠赫似握中丹宿心誰不欺明白古所難
憑楹觀皓露灑酒盪憂顏未念平生意窮光不忍還
淹留徒攀桂延佇空結蘭

其六

雙劍將離別先在匣中鳴煙雨交將夕從此忽分形
雌沉吳江裏雄飛入楚城吳江深無底楚闕有崇扃
一爲天地別豈直限幽明神物終不隔千祀儻還并
採菱歌七首

驚舲馳桂浦息棹偃椒潭簫弄澄湘北菱歌清漢南

又

舂榜塞蕙蕙停唱紉蕙若含傷拾泉花縈念採雲萼

又

睽闊逢暄新悽怨值妍華秋心不可盪春思亂如麻

又

要艷雙嶼裏望美兩洲間裊裊風出浦容容日向山

又

煙曉越嶂深箭迅楚江急空抱琴中悲徒望近關泣

緘歎凌珠淵收慨上金堤春芳行歇落是人方未齊

又

思今懷近憶望古懷遠識懷古復懷今長懷終無極

山行見孤桐

桐生藂石裏根孤地寒陰上倚崩峰勢下帶洞阿深
奔泉冬激射霧雨夏霖淫未霜葉已肅不風條自吟
昏明積苦思晝夜叫哀禽葉妾望掩淚逐臣對撫心
雖以慰單危悲涼不可任幸願見雕斲為君堂上琴

鮑明遠集卷第六

終

鮑明遠集卷第七

宋 上黨鮑照著

明 新安程榮校

見賣玉器者 并序

見賣玉器者或人欲買疑其是珉不肖成市聊作此
詩以戲買者

涇渭不可雜珉玉當早分子實獲楚客蒙俗謬前聞
安知理孚來豈識質明溫我方歷上國從洛入函轅
揚光十貴室馳譽四豪門奇聲振朝邑高價服鄉村

魚目混珠 卷七
寧能與爾曹瑜瑕稍辨論

從登香爐峯

辭宗盛荆夢登高美鳧繹徒收杞梓饒會非羽人宅
羅景藹雲局沾光扈龍策御風親列涂乘山窮禹迹
含嘯對霧岑延蘿倚峯壁青冥搖煙樹穹跨負天石
霜崖滅土膏金澗測泉脉旋淵抱星漢乳竇通海碧
谷館駕鴻人巖樓咀丹客殊物藏珍怪奇心隱仙籍
高世伏音華綿古遁精魄簫瑟生哀聽參差遠驚覲
慙無獻才洗汗奉毫帛

夢歸鄉

銜淚出郭門撫劒無人遠沙風暗空起離心眷鄉畿
夜分就孤枕夢想慙言歸孀婦當戶歎搔絲復鳴機
慙款論久別相將還綺闈歷歷簷下涼朧朧帳裏輝
刈蘭爭芬芳採菊競葳蕤開奩奪香蘇探袖解纓微
夢中長路近覺後大江違驚起空歎息恍惚神魂飛
白水漫浩浩高山壯巍巍波瀾異往復風雲改榮衰
此土非吾土慷慨當告誰

從臨海王上荆初發新渚

客行有苦樂但問客何行
扳龍不待翼附驥絕塵冥
梁珪分楚牧羽鷁指金荆
雲艫掩江汜千里被連旌
矣矣旦風道嘈嘈晨鼓鳴
收纜辭帝郊揚棹發皇京
狐兔懷窟志犬馬戀主情
撫襟同太息相顧俱涕零
奉役塗未啓思歸思已盈

望孤石

江南多暖谷雜樹茂寒峯
朱華抱白雪陽條熙朔風
蚌節流綺藻輝石亂煙虹
泄雲去無極馳波往不窮
簫歌清漏畢徘徊朝景終
浮生會當幾歡酌每盈衷

登黃鶴磯

木落江渡寒鴈還風送秋
臨流斷商絃瞰川悲棹謳
適郢無東轅還夏有西浮
三崖隱丹磴九派引滄流
淚竹感湘別弄珠懷漢遊
豈伊藥餌泰得奪旅人憂

岐陽守風

差池玉繩高掩映一作藹
瑤井沒廣岸屯宿陰懸崖樓
歸月役人喜先馳軍令申
早發洲迥風正悲江寒霧
未歇飛雲日東西別鶴方
楚越塵衣孰揮澣蓬思亂
光髮

魚目遠集 卷七
在江陵歎年傷老

五難未易夷三命戒淵抱方瞳起松髓頰髮疑桂腦
役生良自休大患安足保開簾窺景夕備屬雲物好
翩翩燕弄風嫋嫋柳垂道池瀆亂蘋萍園陵美花草
節如驚灰異零落就衰老

玩月城西門解中

始見西南樓纖纖如玉鈎未映東北墀娟娟似娥眉
娥眉救珠櫳玉鈎隔瑣窓三五二八時千里與君同
夜移衡漢落徘徊入戶中歸華先委露別葉早辭風

客遊厭苦辛仕子倦飄塵休澣自公日宴慰及私辰
蜀琴抽白雪郢曲發陽春肴乾酒未闕金壺啓又淪
迴軒駐輕蓋留酌待情人

代挽歌

獨處重冥下憶昔登高臺傲哢平生中不爲物所裁
埏門只復閉白蟻相將來生時芳蘭體小蟲今爲災
玄鬢無復根骷髏依青苔憶昔好飲酒素盤進青梅
彭韓及廉藺疇昔已成灰壯士皆死盡餘人安在哉

夜聽妓二首

魚明遠集 卷七 四
夜來坐幾時銀漢傾露落澄滄入閨景歲蕤被園藿
絲管感暮情哀音遠梁作芳盛不可恒及歲共爲樂
天明坐當散琴酒駛弦酌
蘭膏消耗夜轉多亂筵雜坐更絃歌傾情逐節寧不
苦特爲盛年惜容華

梅花落

中庭雜樹多偏爲梅咨嗟問君何獨然念其霜中能
作花露中能作實搖蕩春風媚春日念爾零落逐寒
風徒有霜華無霜質

古詞

容華不待年何爲客遊梁九月寒陰合悲風斷君腸
歎息空房婦幽思坐自傷勞心結遠路惆悵獨木央
可愛

風帷閃珠帶月幌垂霧羅魏粲縫秋裳趙豔習春歌
夜聽聲

辭鄉不覺遠歡寡憂自繁何用慰秋望清燭視夜翻
酒後

長節無兩淹年意不俱處自非羽酌歡何用慰愁旅

講易

雲澤翔羽姬橫蓋招益人資園無金尚履道易書紳

王昭君

既事轉蓬遠心隨鴈路絕霜鞞日夕驚邊笳中夜咽

中興歌十首

千冬遲一春萬夜見朝日生平值中興歡起百憂畢

又

中興太平運化清四海樂祥景照玉臺紫煙遊鳳閣

又

碧樓含夜月紫殿爭朝光綵墀散蘭麝風起自生芳

又

白日照前窓玲瓏綺羅中美人掩輕扇含思歌春風

又

三五容色滿四五妙華歇已輸春日歡分隨秋光沒

又

北出湖邊戲前遠苑中遊飛縠繞長松馳管逐波流

又

九月秋水清三月春花滋千金逐良日皆競中興時

又

窮泰已有分壽夭復屬天既見中興樂莫持憂自煎

又

襄陽是卜地壽陽非帝城今日中興樂遙冶在上京

又

梅花一時艷竹葉千年色願君松柏心採照無窮極

吳歌三首

又

夏口樊城岸曹公却月樓觀見流水還識是儂淚流

又

夏口樊城岸曹公却月成但觀流水還誰是儂流下

人言荆江狹荆江定自濶五兩了無聞風聲那得達
與謝尚書莊三連句

霞輝兮澗朗日靜兮川澄風輕桃欲開露重蘭未勝
水光溢兮松霧動山煙疊兮石露凝
暎映晨物綵連綿夕羽興

在荊州與張史君李居士連句

橋磴支古轍篁路拂輕鞍三尹無喜色一適或垂竿

月下登樓連句

髮鬢蘿月光續紛箕霧陰樂來亂憂念酒至歇憂心
鮑博士 露入覺牖高勞深測苑深清氣澄未夜流吹
不可臨 王延秀 密峯集浮碧踈瀾道瀛潏嗽玉延幽
性板桂藉知音 荀原之 辰意事淪晦良歡戒勿侵昭
景有遺駟孤賈無留金 荀中書萬秋

字謎三首

二形體四支八頭四八二八飛泉仰流井

頭如刀尾如鉤中央橫廣四角六抽右面負兩刀左
邊雙屬牛龜

又

乾之一九隻立無偶坤之二六宛然雙宿土

鮑明遠集卷第八

宋 上黨鮑照著

明 新安程榮校

擬行路難十八首

奉君金卮之美酒
璵瑁玉匣之雕琴
七綵芙蓉之羽
帳九華蒲萄之錦衾
紅顏零落歲將暮
寒光宛轉時
欲沉願君裁悲且減思
聽我抵節行路吟
不見栢梁
銅雀上寧聞古時清吹音

洛陽名工鑄爲金博山
千斲復萬鏤
上刻秦女攜手

仙承君清夜之歡娛列置幃裏明燭前外發龍鱗之
丹綵內含麝芬之紫煙如今君心一朝異對此長歎
終百年

璇閨玉墀上椒閣文窓繡戶垂羅幕中有一人字金
蘭被服織羅采芳藿春燕差池風散梅開幃對景弄
春爵含歌攬涕怕抱愁人生幾時得爲樂寧作野中
之雙鳧不願雲間之別鶴

瀉水置平地各自東西南北流人生亦有命安能行
歎復坐愁酌酒以自寬舉杯斷絕歌路難心非木石
豈無感吞聲躑躅不敢言

君不見河邊草冬時枯死春滿道君不見城上日今
暝沒盡去明朝復更出今我何時當得然一去未滅
入黃泉人生苦多歡樂少意氣敷腴在盛年且願得
志數相就牀頭恒有沽酒錢功名竹帛非我事存亡
貴賤付皇天

對案不能食拔劒擊柱長歎息丈夫生世會幾時安
能蹠蹶垂羽翼棄置罷官去還家自休息朝出與親
辭暮還在親側弄兒牀前戲看婦機中織自古聖賢

盡貧賤何況我輩孤且直

愁思忽而至跨馬出北門舉頭四顧望但見松柏園

荆棘鬱蹲蹲集作樽樽中有一鳥名杜鵑言是古時蜀帝

魂聲音哀苦鳴不息羽毛憔悴似人髡飛走樹間啄

集作逐蟲蟻豈憶往日天子尊念此死生變化非常理

中心惻愴不能言

中庭五株桃一株先作花陽春妖冶二三月從風簌

蕩落西家西家思婦見悲惋零淚霑衣撫心歎初送

我君出戶時何言淹留節迴換牀席生塵明鏡垢織

腰瘦削髮蓬亂人生不得恒稱意惆悵徙倚至夜半

剝蘗染黃絲黃絲歷亂不可治我昔與君始相值爾

時自謂可君意結帶與君言死生好惡不相置一作結帶

與君同死生好惡不擬相棄置今日見我顏色衰意中索寞一作錯漠與

先異還君金一作玉釵玳瑁簪不忍見之益愁思

君不見舜華不終朝須臾淹冉零落銷盛年妖艷浮

華輩不久亦當詣塚頭一去無還期千秋萬歲無音

詞孤魂竽竽空隴間獨魄徘徊遶墳基但聞風聲野

鳥吟豈憶平生盛年時為此令人多悲悒君當縱意

君不見枯籜走階庭何時復青著故莖君不見亡靈
蒙享祀何時傾杯竭壺罌君當見此起憂思寧及得
與時人爭人生倏忽如絕電華年盛德幾時見但令
縱意存高尚旨酒佳肴相胥讌持此從朝竟夕暮差
得亡憂消愁怖胡爲惆悵不能已難盡此曲令君忤
今年陽初花滿林明年冬末雪盈岑推移代謝紛交
轉我君邊戍獨稽沉執袂分別已三載邇來寂淹無
分音朝悲慘慘遂成滴暮思遶遶最傷心膏沐芳餘

自熙怡

久不御蓬首亂鬢不設簪徒飛輕埃舞空帷粉黛
罷靡復遺自生留世苦不幸心中惕惕恒懷悲

春禽啾啾旦暮鳴最傷君子憂思情我初辭家從軍
僑榮志溢氣干雲霄流浪漸冉經三齡忽有白髮素
髭生今暮臨水拔已盡明日對鏡復已盈但恐羈歿
爲鬼客客思寄城生空精每懷舊鄉野念我舊人多
悲聲忽見過客問何我寧知我家在南城答云我曾
居君鄉知君遊宦在此城我行離邑已萬里今方羈
役去遠征來時聞君婦閨中孀居獨宿有貞名亦云

朝悲泣閑房又聞暮思淚霑裳形容憔悴非昔悅蓬
鬢衰顏不復粧見此令人有餘悲當願君懷不暫忘
君不見少壯從軍去白首流離不得還故鄉宵宵日
夜隔音塵斷絕阻河關朔風蕭條白雲飛胡笳哀極
邊氣寒聽此愁人今奈何登山遠望得留顏將死胡
馬跡能見妻子難男兒生世輒軻欲何道綿憂摧抑
起長歎

君不見栢梁臺今日丘墟生草萊君不見阿房宮寒
雲澤雉栖其中歌妓舞女今誰在高墳纍纍滿山隅
長袖紛紛徒競世非我昔時千金軀隨酒逐樂任意
去莫令含歎下黃墟

君不見冰上霜表裏陰且寒雖蒙朝日照信得幾時
安民生故如此誰令摧折強相看去年來自如削
白髮零落不勝冠

君不見春鳥初至時百草含青俱作花寒風蕭索一
旦至竟得幾時保光華日月流邁不相饒令我愁思
怨恨多

諸君莫歎貧富貴不由人丈夫四十彊而仕余當二

十弱冠辰莫言草木委冬雪會應蘇息遇陽春對酒
叙長篇窮途運命委皇天但願樽中九醞蒲莫惜牀
頭百箇錢直得優游卒一歲何勞辛苦事百年

松柏篇

并序

余患脚上氣四十餘日知舊先借傅玄集以余病劇
遂見還開泰適見樂府詩龜鶴篇於危病中見長逝
詞惻然酸懷抱如此重病彌時不差呼吸乏喘舉目
悲矣火藥間缺而擬之

松柏受命獨歷代長不衰人生浮且脆鵠若晨風悲
東海送逝川西山導落暉南郭悅籍短蒿里收未歸
諒無疇昔時百病起盡期志士惜牛刀忍勉自療治
傾家行藥事顛沛去迎醫徒備火石苦奄至不得辭
龜齡安可獲岱宗限已迫睿聖不得留爲善何所益
捨此赤縣居就彼黃墟宅未離九原親長與三辰隔
屬纊生望盡闔棺世業埋事痛存人心恨結亡者懷
祖葬旣云及壙隧亦已開室族內外哭親疎同共哀
外姻遠近至名列通夜臺扶輿出殯宮低回戀庭室
天地有盡期我去無還日居者今已盡人事從此畢

魚目遠集 卷八
火歇烟旣沒形消聲亦滅鬼神來依我生人未辭訣
大暮杳悠悠長夜無時節鬱湮重冥下煩冤難具說
安寢委沉寔戀戀念平生事業有餘結刊述未及成
資儲無擔石兒女皆孩嬰一朝放捨去萬恨纏我情
追憶世上事束教已自拘明發靡怡愈夕歸多憂虞
轍間晨逕荒撤宴式酒濡知今暝日苦恨失爾時娛
遙遙遠民居獨埋深壤中墓前人跡滅冢上草日豐
空林響鳴蜩高松結悲風長寐無覺期誰知逝者窮
生存處交廣連榻舒華茵已沒一何苦楛哉不容身

昔日平居時晨夕對六親今日掩柩何一見無諧因
禮席有降殺三齡速過隙几筵就收撤室宇改疇昔
行女遊歸途仕子復王役家世本平常獨有亡者劇
時祀望歸來四節靜瑩丘孝子撫墳號父兮知來不
欲還心依戀欲見絕無由煩冤荒隴側肝心盡崩抽

侍宴覆舟山二首

勅爲柳元景作

息雨清上郊開雲照中縣遊軒越丹居暉燭集涼殿
凌高躋飛楹追焮起流宴松苑含靈群崑庭藏物變
明暉爍神都麗氣冠華甸目遠幽情周醴洽深恩遍

又
繁霜飛玉闥愛景麗皇州清蹕戒馳路羽蓋佇宣遊
神居既崇盛崑嶮信環周禮俗陶德聲昌會溢民謳
慙無勝化質謬從雲雨浮一作遊

登廬山二首

懸裝亂水區薄旅次山楹千岩盛阻積萬壑勢迴縈
巖從高昔貌紛純襲前名洞澗窺地脉聳樹隱天經
松磴上迷密雲竇下縱橫陰冰實夏結炎樹信冬榮
嘈噴晨鷗思叫嘯夜猿清深崖伏化迹穹岫閱長靈

乘此樂山性重以遠遊情方躋羽人途永與煙霧并

又藝文類聚作登廬山望石門

訪世失隱淪從山異靈士明發振雲冠升嶠遠棲趾
高岑隔半天長崖斷千里氛霧承星辰潭壑洞江汜
嶄絕類虎牙噴吼象熊耳埋水或百年韜樹必千祀
鷄鳴清澗中猿嘯白雲裏瑤波逐穴開霞石觸峯起
迴互非一形參差悉相似傾聽鳳管賓紆望釣龍子
松桂盈膝前如何穢城市

發長松遇雪

魚... 卷八
土牛既送寒莫陵一作真陸方浹馳振風搖地局封雪滿
空枝江渠合為陸天野浩無涯飲泉凍馬骨斲冰傷
役疲昆明豈不慘黍谷寧可吹

蒜山被始興王命作

暮冬霜朔嚴地閉泉不流玄武藏木陰丹鳥一作鳥還
養羞勞農澤既周役車時亦休高薄符一作浮好倩一作
清藻駕及時遊鹿苑豈淹睇兔園不足留升嶠眺日
輒臨迴望滄洲雲生玉堂裏風靡銀臺陬陂石類星
懸嶼木似烟浮形勝信天府珍寶麗皇州白日迴清

景芳豔洽歡柔參差出寒吹颺戾江上謳王德愛文
雅飛瀚灑鳴球美哉物會昌衣道服光猷

冬至

舟遷莊甚笑水流孔急歎景移風度改日至晷迴換
眇眇負霜鶴皎皎帶霜鴈長河結爛玕層冰如玉岸
哀哀古老容慘顏愁歲晏催促時節過逼迫聚離散
美人還未央鳴箏誰與彈

蜀四賢詠

司馬相如 嚴君平
王褒 楊雄

勃渚水浴鳧春山玉抵鵲皇漢方盛明群龍滿階閣

君平因世閑得還守寂寞閉簾注道德開卦述天爵
相如達生肯能屯復能躍陵令無人事毫墨時灑落
衰氣有逸倫雅續信炳博如今聖納賢金璫易羈絡
良遮神明遊豈伊置思作玄經不期賞豐憂散樂
首路或參差投駕均遠托身表既非我生內任一作甚
豐薄

秋日示休上人

枯桑葉易零疲客心易驚今茲亦何早已聞絡緯鳴
迴風滅且起卷蓬息宿征愴愴簾上寒悽悽帳裏清

物色延暮思霜露逼朝榮臨堂觀秋草東西望楚城
百物方蕭瑟坐歎從此生

和王義興七夕

宵月向掩扉夜霧方當白寒機思孀婦秋堂泣征客
匹命無單年偶影有雙夕暫交金石心須更雲雨隔

贈鮑侍郎

釋惠休

玳枝兮金英綠葉兮紫莖不入君玉杯低彩還自榮
想君不相艷酒上視塵生當令芳意重無使盛年傾

答休上人

酒出野田稻菊生高岡草味貌復何奇能令君傾倒
玉腕徒自羞為君愧此秋金蓋覆牙柱何為心獨愁

和王護軍秋夕

散漫秋雲遠蕭蕭露月寒驚飈西北起孤鴈夜往還
開軒當戶牖取琴試一彈停歌不能和終曲久辛酸
金氣方勁殺隆陽微且單泉涸井竭節徙芳歲殘
生事各多少誰共知易難投章心蘊結千里途輕紈
順託孤老暇觴思暫開餐

懷遠人

哀樂生有端離會起無因去事難重念恍惚似如神
屬期眇起遠後遇邈無辰馳風掃遙路輕蘿含夕塵
思君成首疾欲息眉不伸

春羈

征人歎道遐去鄉悒路邇佳期每無從淮陽非尺咫
春日起遊心勞情出徙倚岫遠雲烟綿谷屈泉靡迤
風起花四散露濃條暄妍正在茲摧抑多嗟思
嘶聲名邊堅豈我箱中紙染翰餉君琴新聲憶解子

三日

魚... 卷八
氣暄動思心柳青起春懷時艷憐花藥眼淨俛登臺
提觴野中飲愛心煙未開露色染春草泉源潔水苔
泥泥濡露條嫋嫋承風栽鳧雛撥苦薺黃鳥銜櫻梅
解衿欣景預臨流競覆杯美人竟何在浮心空自摧
苦雨
連陰積澆灌滂沱下霖亂沉雲日夕昏驟雨望朝旦
溪潭走獸稀林寒鳥飛冥密霧冥下溪聚雲屯高岸
野雀無所依群雞聚空館川梁日已廣懷人邈渺漫
徒酌相思酒空急促明彈

三日遊南苑

採蘋及華月追節逐芳雲騰菁溢林疏麗日擘山文
清潭圓翠會化薄緣綺紋合樽遽景斜折榮委組芬

歲暮悲

霜露迭濡潤草木互榮落日夜改運周今悲復如昨
晝色苦沉陰白雪夜迴薄曠潔冒霜鴈飄揚出風鶴
天寒多顏苦妍容逐丹壑絲鬢千里心獨宿乏然諾
歲暮美人還寒壺與誰酌

園中秋散

一作園中載散

魚... 卷八
負疾固無豫晨衿悵已單氣交蓬門疎風數園草殘
荒墟半晚色幽庭憐夕寒既悲月戶清復切夜蟲酸
流枕商聲苦騷殺年志闌臨歌不知調發興誰與歡
儻結絃上情豈孤林下彈

詠秋

秋蘭徒晚綠流風漸不親
飈我垂魚幕驚此梁上塵
沉陰安可久豐景將遂淪
何由忽靈化暫見別離人

秋夕

慮涕擁心用夜默發思機
幽閨溢涼吹閑庭滿清暉

紫蘭花已歇青梧葉方稀
江上淒海戾漢曲驚朔霏
髮斑悟壯晚物謝知歲微
臨宵嗟獨對撫賞怨情違
躊躇空明月惆悵徒深帷

望水

刷鬢垂秋日登高觀水長
千澗無別源萬壑共一廣
流駛巨石轉湍迴急沫上
蒼蒼嶺岸高照照寒洲爽
東歸難付惻日逝誰與賞
臨川憶古事日屨千載想
河伯自矜大海若沉渺莽

詠白雪

魚... 卷八
服翰起雲飛拂翼虹路雖曩之脫駕拖紫衿擔丹轂
方之微臣彼安足齒齊此而歸懼塵王度况遂頻煩
重彰濫越伏願天德曲成資始令終雨露之惠自華
及殞特屈慈獎降申愚固則綢繆之施復踰造物不
勝感躍惶駭之情謹拜表以聞

解褐謝侍郎表

臣照言臣孤門賤生操無罔迹鶉棲草澤情不及官
不悟天明廣矚騰滯援沉觀光幽節聞道朝年榮多
身限思非終報臣云云

謝秣陵令表

時為中書舍人

臣照言卽日被尚書召以臣為秣陵令臣負鍤下農
執羈末皂情有局塗志無遠立邁命逢天得汗官牒
不悟恩澤無窮謬當獎試用謝刀筆猥承宰職豈是
闇懦所能克任今便抵召違離省闈係戀罔極不勝
下情謹拜表以聞

謝賜藥啓

臣衛躬不謹養命無術情淪五難妙謝充法飈落先
傷衰痾早及遐 近臨猥委存卹癩同山嶽蒙靈藥

之賜惠非河間謬仙使之屈恩逾脯糗惠重帷席荷
對銜慙伏抱衿渥

謝永安令解禁止啓

臣田茅下第質非謝品志終四民希絕三仕邀世逢
辰謬及推擇恩成曲積榮秩兼過雖誓投織生昊天
罔極迄無犬馬孤慙星歲加以淪節雪飈沉誠歎晦
值天先燭幽神照廣察澡疊從肴與物更稟遂晞矚
陽春湔汰秋水綴翼雲條茸鮮決沼洗膽明目抃手
太平重甄再造含氣孰此一不悟乾陶彌運復垂埏飾

驕迹升等改觀非服振纓珥筆聯承貴寵豈臣浮朽
所可恭從實非愚管所宜循踐瑣族易灰脆漏已迫
空荷載壽終責仰復飲水肅事懷火畢命不勝屏營
之情謹啓事以聞

論國制啓

臣啓臣聞尺之量錦工者裁之柔丈之木繩墨在焉
事無巨細非法不行當今世問政睦藩國相望君舉
必書動成准式息躬聖壤十有餘載條制節文宜其
備矣諸王列封動靜兼該而竊見國之處事未盡善

臣之暗蔽私心有惜伏見彭城國舊制猶有數卷雖多殊革大綱可依愚謂宜令掌故刊而撰之上著朝典藩邦之度下揆國訓繁簡之誼傍酌州府寬猛之中章程久具未爲恒制豈伊今美乃足貴之將來臣忝充直員脫以啓聞煩而非要伏追慙悚謹啓

謝上除啓

臣言被宣賜臣上除臣伏事日淺蒙荷已豐天澤所及且喜且懼但臣自丁常桓來塗階級非所敢冀今日榮願直爾不少冒乞停止上除伏願重許干穢悚

息

通世子自解

僕以常桓無用於世遭逢謬幸被受恩榮誠願論畢久宜捐落仁眷篤終復獲淹停感今惟昔銜佩無已但自無堪尸素累載腹心之愧寤寐爲憂今請解所職願蒙矜許自奉清塵于茲六祀墜辰未往遺恩在心執紙哽咽言不自宣

重與世子啓

奉還誨深承殷勤篤眷之重披讀未終悲愧交集僕

魚目珠集 卷九
以常人所蒙隆厚又應知退非適今日銜恩戀德用
缺進心今者之請必願鑑許且僕棲遲無事咫尺館
第餐真風微非旦則夕居職還私兩者無異而於僕
無用有以自處豈非仁念始終之惠重致于日弥深
慙感

謝假啓二首

臣啓臣居家之治上漏下濕暑雨將降有惧崩壓比
欲完葺私寡功力板插綯塗必須躬役曷欲請假三
十日伏願天恩賜垂矜許干啓復追悚息謹啓

臣啓臣所患彌留病願沉涸自近蒙歸頻更頓處日
夜間困或數四委然一弊瞻景待化加以凶衰嬰遘
慘悼終鮮兄弟仲由所哀臣實百罹孤苦風雨天倫
同氣實惟一妹存沒未訣不獲計見封瘞泉壤臨送
私懷感恨情痛兼深臣母年老經離憂傷服麤食淡
羸耗增疾心計焦迫進退罔躋冒乞申假百日伏願
天慈賜垂矜許臣違福履身事屯悴歎息和景掩淚
春風執啓涕結伏追惶悚謹啓

侍郎上疏

臣言臣北州衰淪身地孤賤衆善必達百行無一生
丁昌運自比人曹操乏端弊業謝成迹徂年空往瑣
心靡述禡纒投簪於斯終志東萊負薪期與相畢安
此定命忝彼公朝不悟乾羅廣收圓明兼覽雕瓠飾
笙備雲和之品潢汗流藻克金鼎之實鍛羽暴鱗復
見翻躍枯楊寒炭遂起烟華未識微躬猥能及此未
知陋生何以爲報祇奉恩命憂愧增灼不勝感荷屏
營之情謹詣閣拜疏以聞

謝解禁止

臣言被宣令解臣禁止天光鄭重不可勝逢飛走知
感矧臣人類臣聞獲過于神或憑尸祝以請得罪於
君可因左右而謝臣自惟孤賤盜幸榮級闡澁大誼
猖狂世禮竒非阮籍無保持之助才愧馮衍有鞅輓
之困自非聖朝超然覽臣於視聽之外則今日渥澤
更成妄遭來辰萎葉終先朝草小人歲暮知能何報
徒厚恩華息懼歎息不任下情謹詣拜疏以聞

侍郎滿辭閣

臣言臣所居職限滿今便收迹金闈雲路從茲自遠

鮪鯉沉藏方絕光景祇戀遲迴結涕濡泗臣囂杭窮
賤情嗜踳昧身弱涓斲地幽井谷本應守業懇膠剝
芴牧鷄園豕以給征賦而幼性猖狂因頑慕勇釋擔
受書廢耕學文畫虎既敗學步無成反拙歸跂還陋
鸞雀日晏途遠塊然自喪加以無良根孤伎薄既同
馮衍負困之累復抱相如瘠渴之疾志逐軍離事與
襄合東馬埋輪絕游息世宿福餘慶爰邁聖明煦蒸
霜霰萃甲雲落得從下走叨迹人行操勒負羈班榮
虐隸矜愚訓短哀有弗及奉此而歸足以沒齒雖摩

肌髮無報天德更冀營魂還能結草不勝感戀之情
謹詣闕拜疏奉辭以聞

轉常侍上疏

臣言卽日被中曹板轉臣爲左常侍臣自惟常人觸
事無可謬被拔擢實爲光榮臣旣無髣髴上報殊絕
之恩有分每豐其過前後輕重輒得原恕獎以君子
之方赦其不閑教訓大愆不責矜澤必加是臣所以
夙夜自念知遭遇之至深至厚也未冀未望便荷今
榮欣喜感悅不敢僞讓庶保終始身命爲初不勝下

魚目遠集 卷九 七
情謹詣閣拜疏謝以聞

征北世子誕育上疏

臣等言臣聞本枝無疆布諸前典衆多彌貴信之華封故德積則慶深業昌則祚廣伏承王子以中氣正月鍾靈納和誕躬紫閣膺祚朱紱弧矢夙陳珪璋攸覲雲光麗輝巖澤昭采嘉祥爰孚柔顏載晬凡在氓隸莫不忭悅臣霑恩踰物慶倍自中不勝殊歡溢喜謹奉表以聞

謝隨恩被原表

臣言卽日被曹宣命元統內外五刑以下浩澤盪汰臣亦預焉得從漢律故謬之辨闔遭周典肆責之科大喜卒至非願所圖魚愕鷄睨且悚且慙臣誠下愚不達義方然君尊臣恭豈同犬馬且常侍臣淵穆疏草卽臣所作助人爲恭猶加敬憶自己率禮寧敢慢忘由臣倖賤可悔可誣殺會參人臣豈無過寢病幽栖無援朝列身孤節卑易成論駭幸大明臨下仁道毓物澤洎翮走臣置末慶然古人有言楊者易生之木也一人植之十人拔之無生楊矣何則植之者難

拔之者易况臣一植之功不立衆拔之過屢至同彼
風霜異此貞脆書稱天秩有禮易載神福在謙臣之
謙禮理謝福秩仰銜俯媿行歎坐戚卽欲顛沛拜恩
下庭但臣病久柴羸不堪冒涉小得趨馳星駕登路
不勝荷佩之誠謹上疏以聞

皇孫誕育上疏

兼郎中令侍郎臣等言伏承東儲積慶皇孫誕育國
啓昌期民迎福運臺禁稱祉井廬相賀伏惟聖懷載
深鴻念不任下情謹詣閣上疏以聞

登大雷岸與妹書

吾自發寒雨全行日少加秋潦浩汗山溪猥至渡沂
無邊險徑遊棧石星飯結荷衣水宿旅客貧辛波路
壯闊始以今日食時僅及大雷塗登千里日踰十晨
巖風慘節悲風斷肌去親爲客如何如何向因涉頓
憑觀川陸遨神清渚流睇方曛東顧三洲之隔西眺
九派之分窺地門之絕景望天際之孤雲長圖大念
隱心者久矣南則積山萬狀爭氣負高含霞飲景參
差代雄凌跨長隴前後相屬帶天有匝橫地無窮東

魚... 卷九 九
則砥原遠隰亡端靡際寒蓬夕卷古樹雲平旋風匹
起思鳥群歸靜聽無聞極視不見北則陂池潛演湖
脉通連苧蒿攸積菰蘆所繁栖波之鳥水化之蟲智
吞禹疆捕小號噪驚聒紛平其中西則回江永指長
波天合滔滔何窮漫漫安竭創古迄今舳艫相接思
盡波濤悲滿潭壑煙歸八表終為野塵而是注集長
寫不測修靈浩盪知其何故哉西南望廬山又特驚
異基壓江湖峯與辰漢連接上常積雲霞雕錦褥若
華夕曜巖澤氣通傳明散綵赫似絳天左右青靄表

裏紫霄從嶺而上氣甚金光半山純以下為黛色信
可以神居帝郊鎮控湘漢者也若激洞所積溪壑所
射鼓怒之所逐擊湧復之所宕滌則上窮淤浦下至
狶洲南薄鷺瓜北極雷激削長埤短可數百里中騰
波觸天高浪灌日吞吐百川寫泄萬壑輕烟不流華
鼎振潛弱草朱靡洪漣隴聲散渙長驚電透箭疾穹
溘崩聚坻飛嶺覆回沫冠山奔濤空谷礧石為之摧
碎倚岸為之墜落仰視大火俯聽波聲愁魄脅息心
驚慄矣至於繁化殊育詭質怪章則有江鵝海鴨魚

鮫水虎之類豚首象鼻芒鬚針尾之族石蟹王蚌燕
箕雀蛤之儔折甲曲牙逆鱗返舌之屬掩沙漲被草
渚浴雨排風吹滂弄翮夕景欲沉曉霧將合孤雛寒
嘯遊鴻遠吟樵蘇一歎舟子再泣誠足悲憂不可說
也風知雷颺夜戒前路下弦內外望達所屆寒暑難
適汝專自慎夙夜戒護勿我爲念恐欲知之聊書所
覩臨塗草蹙一意不周

鮑明遠集卷第九

鮑明遠集卷第十

宋 上黨鮑照著

明 新安程榮校

河清頌 并序

臣聞善談天者必徵像於人工言古者先考績於今
鴻羲以降遐哉邈乎鏤山嶽雕篆素昭德垂勳可謂
多矣而史編唐堯之功載格于上下樂登文王之操
稱於昭于天素狐玄玉聿彰符命朴牛文螭爰定祥
曆魚鳥動色禾稚興讓皆物不盈昔而美溢金石頌

聲爲之而寢詩人於是不作庸非惑歟自我皇宋之
承天命也仰應龍木之精俯協龜水之靈君圍帝寶
粲爛瑰英固以業光曩代事華前德矣聖上天飛踐
極迄茲二十有四載道化周流玄澤汪濊地平天成
含生阜熙文同軌通表裏釐福曜德中區黎庶知讓
觀英遐外夷貊懷惠秩禮恤勤散露臺之金賑民舒
國傾御邸之粟約違迫脅奢去甚泰讌無留飲畎不
盤樂物色異人優游鯁直顯靡失心幽無怨魄精炤
日月事洞天情故不勞杖筇之使號令不肅而自嚴

無辱鳳舉之事靈恠不名而目彰萬里神行颺塵不
起農商野廬邊城偃析冀馬南金填委內府馴象棲
爵充羅外苑阿統纂組之饒衣覆宗國魚鹽杞梓之
利傍瞻荒遐士民殷富繁軼五陵宮宇宏麗崇冠三
川閭閻有盈歌吹無絕朱輪疊轍華冕重肩豈徒世
無窮人民獲休息朝呼韓罷酤鐵而已哉是以嘉祥
累仍福應充盛青丘之狐丹穴之鳥栖阿閣遊禁園
金芝九莖木禾六秀銅池發膏賦宜以謁薦郊廟和
協律呂烟霏霧集不可勝紀然而聖上猶夙興昧旦

魚... 卷一
若有望而未至宏規遠圖如有追而莫及神明之貺
推而弗居也是以琬碑鏐檢盛典蕪而不治朝神省
方大化抑而未許崇文協律之士蘊儻頌於外坐朝
陪宴之臣懷揄揚於內三靈佇睠九壤注心既有日
矣歲宮乾維月擅蒼陸長河巨濟異源同清澄波萬
壑潔瀾千里斯誠曠世偉觀昭啓皇明者也語曰影
從表瑞從德此其效焉宣尼稱鳳鳥不至河不出圖
傳曰侯河之清人壽幾何皆傷不可見者也然則古
人所未見者今殫見之矣孟軻曰千載一聖是日暮

也豈不信哉夫四皇六帝樹聲長世大寶也澤浸群
生國富刑清鴻德也制禮裁樂惇風遷俗文教也誅
筆羯黠東顧象闕武功也鳴禽躍魚滌穢河渠至祥
也大寶鴻德文教武功其崇如此幽明同贊民祇與
能厥應如彼唯天爲大堯實則之皇哉唐哉疇與爲
抑又聞之勢之所覃者淺則美之所傳者近道之所
感者深則慶之所流者遠是以豐功躋命潤色滕策
盛德形容藻被歌頌察之上代則奚斯吉甫之徒鳴
玉鑾於前視之中古則相如王褒之屬馳金羈於後

魚... 卷十
絕景揚光清埃繼路故班固稱漢成之世奏御者千
有餘篇文章之盛與三代同風由是言之斯迺臣子
舊職國家通議不可輟也臣雖不敏敢不勉乎乃作
頌曰

窺刊崩石措逸殘竹巢風寂寥義埃綿邈鉅生大年
瞻學淵聞盤繡成景粉績顛軒徒翫井科未覩天河
亘古通今明鮮晦多千齡一見書史登歌旋我皇駕
揆景方塗凌周躡殷蹶唐轍虞如彼七緯累璧重珠
高祖撥亂首物定靈更開天地再鑄群生帝御三傑

龍步八垌朔南暨教海北騰聲淪深格高浹遐洞冥
龔鼎遷宋玄圭告成大明方微鴻光中微聖命誰堪
皇曆攸歸謀從筮協神與民推廣旗西映紫蓋東輝
納瑞螭玉升政衡機金輪豹飾珠冕龍衣正位北辰
垂拱南向天下何思日用罔倦復禮歸仁觀恒通變
一物有違戚言毀膳非躬簡法厚下安宅謙德彌光
損道滋益孝崇饗祀勤隆耕籍饁耐秋羊封堽春幣
嬰耄兼梁鰥孤重帛體由學染俗以教遷禮導刑清
樂鬯風宣分衢讓齒折訟推田野旌伏彥朝賞登賢

儒訓優柔武節焱鷲文憲精弘戎容犀利樞鈐明審
程彘周備吏礪平端民差幸覬桴鼓凝埃烽驛垂轡
銷我鯨歸爲農器閩外水鄉鄣表炎國隴首西南渤
尾東北赭赭嶺丹渾渾泉黑移琛雲勉轉集邛夔狼
歌薦功鳥譚陳德治博化光民阜財盛斑白行謠清
綺高詠雲表幽和物章明慶麗植雕質蠢行藻性仁
草晨萃德宿宵映海無隱颺山有黃落牛羊內首閭
戶外拓瑞木朋生祥禽輩作薰風蕩閨飴露流閭罷
範神妙劑調象藥匪直也斯偉慶方溱注彼四瀆媚

此雙川伏靈遙紀閱遐年澄波 嶽鏡流葱山泉
室凝澱水府清洵俛瞰夷都降眡驪淵朱宮潛耀紫
閣陰鮮昔在爽德王風不昌迺溢迺竭或壅或亡潔
源濫壑曾是未央先民永慨大道悠長云何其實鍾
我皇聞諸師說天竦聽密分介焉如響匪遠 疾矧
是皇心妙夫貞一左右天經戶牖人術訐暮布簡絲
言盈室歲有綿祀清豈崇口一人之慶吹萬稟和靈
根方固修源重波副睿貳哲帝體皇柯景雲蔚嶽秀
星駢羅垂光九野騰響四遐輔車鼎足繫石虎牙世

匹周室基永漢家泰階既平洪河既清大人在上區
宇文明樵夫議道漁父濯纓臣照作頌鋪德樹聲

佛影頌

形生麗怪神照潭寂驗幽以明考心者迹六塵煩苦
五道綿劇乃炳丹梁爰悟淪溺色丹貌續留相瓊石
金光絕見玉毫遺覲俾昏作朗効順去逆

凌烟樓銘

并序宋臨川王昶

臣聞憑飈薦響唱微効長垂一作乘波鑿景功少致深
是以氷臺禁乎魏邑鳳閣起於漢尺皆所以贊生通

志感悅幽情者也伏見所製凌烟樓樓置崇迥延瞰
平寂卽秀神皋因基地勢東臨吳甸西眺楚關奔江
水寫鱗嶺相葺重樹窮天通原盡目悲積陳古賞絕
舊年誠可以暉曠高明藻澈遠心矣夫識緣感傾事
待言彰匪言匪述綿世罔傳敢作銘曰

巖巖崇樓藐藐層隅階基天削戶牖雲區瞰江列楹
望景延佇積清風露合一作含綵煙塗俯窺淮海俛眺
荆吳我王結駕藻思神居宜此萬春修靈所扶

藥奩銘

魚... 卷一
歲賈走丸生猷墮墻時無驟得年有遐方水王出煙
靈飛一作神靈生光龜文電衣龍綵雲裳九芝八石延正
盪斜二脂六體振衰返華毛姬餌葉鳳子藏花景絕
翠虬氣隱頰霞深神罕別妙竒不揚或繁虎杖或亂
蛇牀故不世不可以服未達不可以嘗眩睛逆目是
乃爲良

飛白書勢銘

秋毫精勁霜素凝鮮露此瑤波染彼松煙超出八法
盡竒六文鳥企龍躍珠解泉分輕如游霧重似崩雲
絕鋒劍摧驚勢箭飛差池鸞起振迅鴻歸臨危制節
中險騰機圭角星芒明麗爛逸絲縈髮垂平理端密
盈尺錦兩片字金溢故仙芝煩弱旣匪足雙蟲虎瑣
碎又安能匹君子品之是最神筆

石帆銘

應風剖流息石橫波下滾地紉上獵星羅吐湘引漢
歛蠶吞沱西歷岷冢比瀉淮河眇森弘藹積廣連深
淪天測際亘海窮陰雲族未起風柯不吟崩濤山墜
鬱浪雷沉在昔鴻荒刊啓源陸表裏民邦經緯鳥服

魚目遠集 卷十 七
瞻貞視晦坎水巽木乃剡乃鏟既剡既斲飛深浮遠
巢潭館谷涉川之利謂易則難臨淵之戒曰危乃安
泊潛輕濟冥表勤言穆我戒逐留御不還徒悲猿鶴
空駕滄煙君子彼想祇心載惕林簡松枯水採龍鷓
覘氣涉潮投祭沈璧揆檢舍圖命辰定歷二嶠虎口
周王夙趨九折羊腸漢臣電軀潛鱗浮翼爭景乘虛
衡石頽鯁帝子察殂青山斷河后父沉軀川吏掌津
敢告訪途

瓜步山楬文

歲舍龍紀月巡鳥張鮑子辭吳客楚指充歸揚道出
關津升高問途北眺瓊鄉南矚炎國分風代川揆氣
閩澤四睨天宮窮曜星絡東窺海門候景落日遊精
八表駛視四遐超然永念意類交橫信哉古人有數
寸之簷持千鈞之關非有其才施處勢要也瓜步山
者亦江中眇小山也徒以因迥爲高據絕作雄而凌
清瞰遠擅竒含秀是亦居勢使之然也故才之多少
不如勢之多少遠矣仰望穹垂俯視地域涕洟江河
虎贄丘嶽雖奮風漂石驚電剖山地綸維陷川闢毀

魚目混珠 卷一
官毫盈髮虛曾未注言況乎沉河浮海之高遺金堆
壁之奇四遷八聘之策三黜五逐之疵販交買名之
薄吮癰舐痔之卑安足議其是非

後跋

右宋叅軍鮑照詩昔人嘗謂其
得景陽之誦詭含茂先之靡媠
骨節強於謝鯤駟邁疾於顏延
可謂善評至如工部大家亦以
俊逸稱之則其詩可知矣予嘗
於他藉中見叅軍戍邊擬古之

魚目珠集
卷一
作詞旨超麗心竊愛之近過吳
中友人都君玄敬出示此奉方以
得見其全為快因刻之郡齋
詒同志

正德庚午秋七月延平知府維揚
朱應登記

